

AKASHVANI AIZAWL

REGIONAL NEWS UNIT

CM

Chief Minister Pu Lalduhoma'n mipuite mamawh hriat theih nan MLA te chu an bial chhunga an ngaihpaawimawh inthlahrung lovin a changtu Minister te thlen thin turin a chah.

Vawiin Assembly session zawhna leh chhanna hunah House Leader Pu Lalduhoma, chuan Link Road mamawhna a sang hle tih sawiin, Horticulture leh Agriculture-ah link road leina tur nuai sang 3 ve ve ruahman a ni a, Oil Palm bik link road chu Prime Minister leh DoNER Minister ten an ngaihpaawimawh em avangin an duh aia tam cheng nuai sang 3 bawr vel an dah bawk a ti a, laihna tur pawisa a awm tih sawiin project thlan kawngah project thlan sa hlui tawh tak atanga thlan a ngai fo tih sawiin, tun dinhmuna mamawh vak tawh lo te a tel theih avangin MLA te chu an bial chhunga an ngaihpaawimawh chu inthlahrung lova a changtu Minister te thlen thin turin a chah a, mipuiten mamawh ngaihven zui zel turin MLA te a chah a ni.

Chief Minister chuan Red Oil Palm chu Mizoram sorkarin contract farming a tih hmasak ber a nih thu sawiin, hun rei tawh tak atanga kalpui niin Mizoram chu hmun thumah an then a ti a, tunah chuan Bukvanneia Godrej Company chauhin hna an thawk tawh a ti a, support price leh raw material an dawn that loh avanga rei tak hna an thawh theih loh hnuah tunhnaiah Patanjali company chuan a bei chho leh mek a, chhim lamah company dang pakhat a awm leh chuan ziaawm chho turah a ngai a ti a. Sawhthing leh kuhva sawngbawlana tur pawh neih chhoh zel a ni tih sawiin, Mizoram mipuite hamthat tlan nan sawhthing man san hun nghah mek a nih thu a sawi bawk.



GINGER

Agriculture Minister Pu PC Vanlalruata'n tun thla February ni 2 atangin sorkarin sawhthing lei tan tum mahse tun dinhmunah SCC 64 zinga 4 atang chauhin lei a la nih thu House a hrilh.

He thu hi vawiin Assembly thutkhawma Lawngtlai West Bialtu Pu Ngunlianchunga zawhnaa chhannaah sawiin, Agriculture Minister chuan sawhthing lei tia sawi chu sorkarin loneitute hnen atanga lei ni lovin, support price a pe tihna ni a ti a, hetihlai hian nikumah sawhthing rate a chhiat em avangin sorkar chuan loneitute chu lei sakin Sairang-a buffer stock-ah a dah sak a, sum sen so a san avangin kuminah sorkarin a tlin tawh lo tih sawiin Siliguri leh Delhi Mandi rate milin District tinah sawhthing rate tur Floor Price siamin, kg-ah cheng 40 atanga cheng 45 inkar floor price an siam a ti a, sawhthing leitu tur ten an dawn ve reng avangin kg-ah cheng 30 atanga cheng 35 ah an tihnam a, tun dinhmunah Secondary Collection Centre (SCC) 64 zinga 4- Khuangleng SCC, Cherhlun SCC, West

Phaileng SCC leh Tuipang SCC-ah te sorkar floor price angin sawhthing hralh mek tih a sawi.

Agriculture Minister chuan Mizoram sawhthing chu tha bikin, chemical tel mang lo, organic tluk a nih avangin miin an duh bik hle a ti a, Chief Minister Pu Lalduhoma hovin NITI Aayog hotute nen Mizoram thar chhuah sawhthing sawiho a ni tawh a, Mizoram sawhthing thar chhuah quality tha tak chu ramchhung mai ni lovin khawvelin a hre chho mek tih sawiin sawhthing chu man tlawma hralh phal lo turin loneitute pawh an zirtir mek tih a sawi a ni.

Zawh belhna chhangin Minister chuan sawhthing-ah 3rd party an inrawlh reng tih sawiin, tun dinhmunah Burma sawhthing lo lut mek a awm a ti a, hemi venpui tur hian Home Department hnenah ngenna an thlen tawh a ti a, ram thenawm Bangladesh chu sawhthing lei nasa tak ni thin mah se, an ram a buai tak avang leh kawng that loh avangin kuminah chuan Bangladesh lamah sawhthing hralh chhuah tum a nih loh thu a sawi a. Hei bakah hian kum 2026-2027 chhung hian Sorkar chuan thlai thlan chhuah bikte sawhthing, hmarcha, ruahmanna a siam a ni a, kum 2026-2027 chhungin Agriculture & Farmers' Welfare Department hnuaiah cheng vbc 150 dah tum a nih thu a sawi bawk.



HORTICULTURE MINISTER

Horticulture Department Minister Pu C. Lalsawivunga'n Mizoram intodelhna hmanrua atan sapthei chin beihpui thlak an tum thu a sawi.

Assembly thutkhawma zawhna leh chhanna hunah he thu hi sawiin Horticulture Minister Pu C. Lalsawivunga chuan Mizorama sapthei chuan chungnun bik na riau an nei a ti a, state dang ten ching ve mahse mizoram-a sapthei tharchhuah te an tluk loh thu sawiin, nikum atangin pilot project siam ni tawhin District hrang hrang Champhai, Khawzawl, Serchhip, Saitual leh Aizawl ah beihpui thlak a nih tur thu a sawi a, Mizorama sapthei chin chu India ram hmun dangah a awm ve loh avangin ei leh bar hmasawna leh kuthnathawk tute tan intodelhna hmanrua tha tak leh kawng pawimawh tak anih theih an beisei thu a sawi a, India ramah a market a awlsam mai bakah khawvel huap pawh market harsatna a awm loh avangin Mizoram ti hmingtha thei tur khawpa Sapthei ah hian beihpui thlak an tum thu a sawi a ni.

Hei bakah hian Post Harvest Management hnuaiah kuthnathawktute tan pack house leh preservation unit chu thlai thar tamna District hrang hrang ah dah sak vek tawh a nih thu a sawi a, sorkar in thlai chi lei tura ruahmanna a siam mek thu sawiin thlai chi lei nan hian cheng nuai 60 dah anih thu a sawi bawk.

Hei bakah hian nikum lama Cyclone Remal avanga thlai chingtuten harsatna an tawh chi hrang hrang puhrukna atan NDRF atangin atan cheng nuai 29 leh SASCI atangin cheng vbch 3 chuang zangnadawma an dawn tawh thu a sawi bawk.



AGRI MINISTER : PMFBY

Agriculture Minister Pu PC Vanlalruata'n kuthnathawktute tan PMFBY (crop insurance) scheme kalpui turin hma an lak mek thu a sawi.

Assembly session a zawhna leh chhanna hunah he thu hi sawiin Minister Pu PC Vanlalruata chuan Pradhan Mantri Fasal Yojana (PMFBY) Scheme chu kalpui turin hma an lak mek thu a sawi a, PMFBY hnuaiia committee sang ber State Level Coordination Committee on Crop Insurance chuan thlai panga hmangin district thlan chhuah ah te crop insurance kalpui turin notification a chhuah tawh thu a sawi a. Kum 2025-26 chhunga Sorkar-in thlai thar thlan bik lei hun tur chu February ni 2 atang May ni 30 ruahman anih thu sawiin Hmunphiah chu January atang lei tan tawh ani thu a sawi bawk.

